

# اوسات عثمانيه كبريه

هفته‌لق سياسي ، ادبي ، علمي غزته‌در

جلد : ۳

سنه : ۲ ۴ جاذي‌الاول ۱۳۳۶ جمعه‌ايرتسي ۱۶ شباط ۱۹۱۸ نومرو ۲۴ — ۵۵

ايمران و سياست اوسات عثمانيه

— مابعد —

عباسيلر بغدادده نصل عجمليشورلرسه ، عثمانيلرده استانبولده اوليله روملاشيورلر .  
بوراده‌كي ذوات كرامك قسم اعظمي (روملاشمق) كله‌سناك معناسني ؛ كنديلريني بيلدكيري كوندن  
بري بيليرلر . وسوزمي بك طبعي وحق بولورلر . مقصدي بيگاهلره افهام ايچون برقاج كله‌ايله ايضاح  
مرام ايديم :

(روم تركي) هم جغرافياي هم اتنوگرافيك برتعبيردر : بخارا تركي ، سمرقند تركي ، آذربايجان  
تركي كي . بيزانس ايمپراطورلغناك حوزه حكومتنده برزمان بولميش اولان يرلر وبويرلك سكه‌ني  
ديمك . بوراده تمام ايران مقابلي در : سلجوقيان ايران ؛ سلجوقيان روم كي .  
(روم ايلي) ده بويله‌در . چونكه تركلك ايجاد ايتمش اولديغي بوتعبير ايله محدود ومعين يرلرده  
روم عنصرى اقليتي تشكيل ايدر . موره شبه جزيره‌سي هان سراپا روملره مسكون ايكن (روم ايلي)  
نامني آلامشدي .

(رومي) صفتني هرصنف ومسلكدن بالعموم بيوكرمز ، كال افتخار وممنويتله قبول ايتشلدز .  
جلال‌الدين رومي ، اشرف رومي كي اعظم اولياء الله بوكله ايله تلقب واشتهار ايتديلر . ابن كاله  
(علامه روم) ، (محقق روم) دينير .

(ترك) عرقناك اك بيوك پادشاهي ، شبه يوقدركه ، سلطان سليمان قانونيدر . هم بو پادشاه ،

## هفتلوق پاریس حرب و سیاست

[ ۱۳ شباط ۱۹۱۸ ]

صوك اون كوناك وقوعات يك زياده شاين اهميتدر . و حرب عمومينك بر فصلنى تماميه قابامش ، بر فصلنى آچمشدر .

چكن هفته پارسده طوپالانان ائتلاف مجلس حرب فوق العاده سى شوقرازى ويريوردى :

« ائتلاف حرب مجلس عاليسى ، آلمانيا باش وكيلى و آوستريا - مجار خارجيه ناظرى طرفلرندن وقوع بولان بيانى بيوك بردقت و اهتمام ايله تدقيق ايتمش و بونلرايله عموم ائتلاف دولتلرى طرفندن درميان ايديلن شرائط آره سنده بر مقارنت كورمه مشدر . مجلس مذكورك بياناتك تدقيقندن متحصل قناعتى . اورويى مركزى دولتلرينك ، باشلادقلى مذاكرات صلحيه اساس تشكيل ايدمكچى بيان و اصرار ايتكارى غايه لرى ايله حال حاضرده كى فتوحات تصوراتى آره سنده موجود تضاد ايله بر قات دها كسب قوت ايتمشدر .

ائتلاف حرب مجلس عاليسى ، صوك شدتله حرب دوام ايتمكى وظيفه اساسيه عد ايدر . ائتلاف دولتلرى مجلسنجه اتخاذ ايديلن مقررات يالكلر ائتلاف دولتلرينك مختلف صحنه حربلرده كى امور عسكريه لرينك تدوير و تمشيتنى دكل ، عين زمانده بالخاصه اورويى مركزى دولتلرينه قارشى آجيلان مجادله ده برلشمش اولان دولتلرجه ابراز ايديلن بالعموم مساعينك مجلسك تحت مراقبه سنه وضعنى دخى استهداف ايتكمكده در . مجلسك وظيفه و صلاحيتى توسيع ايدلديكى كى چكن تشرين ثانيدنه وقوع بولان ( رابالو ) ملاقاتى ائتاسنده درميان ايدلمش اولان توحيد حركت و سياست بره نسيلرى ده مثبت بر سياست شكلنده توسيع اولونمشدر .

تعقيب ايديلن سياست عريض و عميق مناقشه ايدلديكن صكره بونون مسائل حقنده ائتلاف حاصل اولمشدر . اتخاذ ايديلن قرارلرك تماماً مؤثر اولمى انچون توسل ايديله سى لازم كلن خصوصات حقنده ده حكومتلر ايله رؤساي عسكريه آره سنده بر ائتلاف تام پيدا ايدلمشدر . بصورتله مجلس ، متفكرلرك نامغلوب قوتى و آتى حقنده كى لايتزل امنيتلى ايله آره لرنده كى اعتماد تام خصوصنده كى حسياتى اظهار ايتمشدر . قلبلك وعزم و اراده لرك بومعظم اتحادى ، جوائى تضيق ايتكمك تشبث باغيانه سنه قارشى ، متمدن مملكتلى مدافعه و دشمنك شدتنه قارشى سكون و سكوتى محافظه ايتكمك و متمادياً ترايد ايتكمكده اولان

قوتلرک غلبه سی ایله مقابله ده بولمق غایه سنی تعقیب ایتمکده در . ده موقراتیک حکومتلر مرنک ییوک  
عسکرلرینک فضیلت قهرمانانه لری ایله تاریخده احراز ایده جکاری موقع تعین ایتشددر .  
سیویل اهلینک هرکون دوچار اولدقلری احوال مشکه قارشینده کوستردکاری اسیلان ونجیانه  
ثبات و مقاومته اردولرک ابراز ایلدکاری بارلاق غبرت وصولتلدن ، خلاصکار ائتلاف دولترلرینک  
معنوی و عسکری مظفرياتدن دها آز شرف آور دکلددر .


نه غریب استهزای قدردرکه بو، شنیداً حربجویانه قراردن، اوچ بش کون کچمه دن اوقرانیا  
ایله صلح عقد ایلدی . ۹ شباط کونی صباح ساعت ایکیده اتفاق صریح و اوقرانیا مرخصلری  
آراسنده (بره ست - ایتووسق) ده جهان حربنک ایلک معاهده صلحیه پی امضالاندی . بو معاهده دن  
صوکره (بولشه ویک) لرک قاجاق سیاستی دوام ایده مزدی . ذاتاً روسیه ده ، قتلانیدده ، اوقرانیاده ،  
(دون) و (وولغا) نهرلری طرفلرنده مدعش برطوفان اختلال هر طرفی قانه و آتسه غرق ایدیور .  
روسیه حتی زبون کله سنک افاده ایده میه جکی درجه ده دوشمشدر . بناءً علیه آرادن ایکی کون کچدکن  
صوکره شوتلغرافنامه ایله قریرالین اولدی :

« بره ست - ایتووسق ۱۰ شباط — بو کونکی جلسه ده روس هیئت مرخصه سی رئیس ، حکومتنک  
امرینه توفیقاً شوتبلیغاتده بولمشدر : « روسیه ، شکی صلح معاهده نامه سنی امضالامقدن صرف نظر  
ایتمک شرطیله آلمانیا ، آوستریا - مجارستان ، تورکیا و بولغارستان ایله حال حربنک نهایت بولدیغنی و عینی  
زمانه بالجمله جبهه رده کی روس قوای حربیه سنک دخی تمامیه و در حال ترخیصی انچون امر ویریش  
اولدیغنی بیان ایلر »

بو وضعیتدن طولانی طرین آرمسند دیپلوماسییه ، حقوقه ، اقتصادیات و قونسلوسلغه تاند مناسباتنک  
تعینی انچون دول متفقّه اربعه ایله روسیه آراسنده جریان ایتنی لازم کلن مذاکرات خصوصنده ،  
(طروچکی) ، علاقه دار حکومتلر آراسنده دوغریدن دوغریه مناسباتده بولونماسی طریقنی کوسترمش  
وبوبانده پترسبورغده بولونمقده اولان دول متفقّه اربعه قومیسسیونلرینی اشارت و توصیه ایتشددر .  
دیتک که شکلاً بر معاهده صلحیه امضا ایدلمه مش اولمغله برابر فعلاً روس مجازیه سنک نهایت  
ویرلشددر . بولشه ویکار قدرک تجلیاتی تقدیر ایتدیلر . بو بشارت صلحی سلاملارز . آرتق اتفاق  
صریح غرب وایتالیان جبهه لرنده سربست قالمشدر : جریان حادثات دها صوغوق قانله تعقیب ایدیله ییلر .  
دولت عثمانیه ده قفقاس جبهه سنده سربست قالاجق و دیگر جبهه لر بوتون قوتیه عطف اهتمام ایله چکدر .  
شرق ولایتلریمزده و حدودلریمزده بسله ن بعض حریص و ملعون امللرک قعلاً عقیم قالدیغنی کورمکه  
بختیارز . شوتبلیغ رسمی بزه قفقاس حدودینه ملاصق ولایتلریمزدن خبر ویریور :

۱۲-۲-۳۴ تاریخچه قرارگاه عمومیدن تبلیغ اولونمشر :

قافقاس جبهه-سندھ متارکھ بی متعاقب روس قطعاتنک بی در پی خط فاصلی ترک ایله پک کریلرہ وقسماً ساحلدن واپورلرہ روسیہ ایجریلرینہ جکیلرہ لرندن استفادہ ایدن چتہ لک اللرینہ کچیردکری طوپ و ماکینه لی توفنکرلہ روس قطعاتنک بولونمادیغی منطقہ لردہ تبعہ عثمانیہ قارشى بر پروغرام داخلندہ ظلم واعتسافہ باشلادقلى تحقق ایتش بولوندیغندن اشبو مظالمہ برنهایت ویریلی ایچون متعدد دفعہ لر روس قافقاس اردولری قوماندانلغنه واقع اولان رسمی مراجعتلرہ تدایر لازمه اتحاد ایدیلہ جکی مألندہ جوابلر آلمش ایسەدہ اخیراً خط فاصلدن همان اون آلتی کیلو مترہ شرقدہ واقع « کلکیت » قصبہ-سندھ کی مختلط متارکھ قومیسوننک دخی بو چتہ لردن میانتلی خصوصندہ مشترک بر مضبطہ ایله قافقاس اردولریمز قوماندانلغنه مراجعت ایله لرینہ نظراً مظالمک اجرا اولوندیغی منطقہ لردہ روس قوماندانلغنک وعدہ ایتدیکی تدایر لازمه بی موقع فعلہ قویہ جق روس قطعاتنک بولونمامسی و چتہ لک کون بکون دائرہ فجاعتلرینی توسیع ایتکدہ بولونمالری حسیله تخلیه اولنان منطقہ لردہ تبعہ مرکز عرض ، مالی و جانلرینی بو تجاوزلردن محافظہ و تأمین آسایش ایچون تدایر مقتضیه اتحادی قفقاس اردولری قوماندانلغنه امر ایدیلش و بو تدایر نتیجہ-سندھ « کلکیت » قصبہ-سیله « کوسه » و « سادان » خطہ قدر اولان منطقہ دہ آسایش تأمین اولونمشر .



حادثات سیاسیہ بوضورتہ برقی تحولات کوسته درکن حادثات حربیہ دہ همان هر طرفہ سکون وارد .  
یالکز فوق العادہ وقایعدن اولارق خاقان سابق سلطان عبدالحمید ثانی حضرتلرینک بازار کونی ارتحال دار بقا بویوردقلرینی قید ایدہ بیلیرز . مشارالیه ۲۲ ایلول ۱۸۴۲ تاریخندہ تولد بویوردقلرینہ نظراً ۷۶ یاشلرنده ایدیلر . قصہ بر ذات الرثہ خستہ لغی متعاقب ارتحال ایلہ دیلر .  
جناب حق غفراننہ مظهر بویوردسون .